

Siunnersummut nassuaatit

Nalinginnaasumik nassuaatit

1. Aallaqqasiut

2015-imi upernaakkut ataatsimiinnerminni (UPA2015/148) suleriaasissartik Inatsisartut kingullermik allanngortippaat. Suleriaasissap iluarsisap suleriaasissap allannguutit allat ilanngullugit allaffeqarfikkoortumik allaqqinneqarnerani kukkunerit annikinnerusut ataa-siakkaat paasineqarput, siunnersuutikkut matumuuna maanna iluarsineqartut.

Peqatigitillugu apeqquteqaat aallaavigalugu oqallinnernut atatillugu Inatsisartut oqaaseqaa-tissaannut siunnersuuteqartarneq pillugu Suleriaatsimi aalajangersakkat utertinneqarput aalajangersakkanut Suleriaatsimik kingullermik allanngortitsinerit siornanut atuuttunut. Taamaalluni § 36 naapertorlugu apeqquteqaatinut (apeqquteqaat aallaavigalugu oqallinnis-samik siunnersuutinut) Inatsisartut oqaaseqaatissaannik ilanngussisoqartariaqarunnaarlunilu ilanngussisoqarsinnaajunnaarpoq. Taamaattorli oqallinnerup ingerlanerani Inatsisartut oqaa-seqaatissaannut suli siunnersuuteqartoqarsinnaavoq.

2. Siunnersummi immikkoortut pingarnerit

2.1 Piffissat oqaaseqarfiusinnaasut

UPA2015-imi Inatsisartut suleriaatsip allanngortinneqarnissaanik siunnersuut akuersissuti-gaat. Allannguutit ilaatigut kinguneraat piffissat oqaaseqarfiusinnaasut pillugit ilanngussami Nunatta Karsiata Naatsorsuutaasa akuerineqarnissaannik aalajangiiffigisassatut siunnersum-mut immikkut piffissamik oqaaseqarfiusinnaasunik aalajangersaasoqarnera.

Paasinarsivorli siunnersuut akuersissutigineqartoq ataasiakkaanik kukkuneqartoq: Nunatta Karsiata Naatsorsuutaasa akuerineqarnissaat pillugu aalajangiiffigisassatut siunnersummut piffissani oqaaseqarfiusinnaasuni siunnersuutip siullermeerneqarnerani partiit oqaaseqaataasa saqqummiunnissaannut minutsinik 30-ersuarnik atuisoqarsinnaasoq oqaatigineqarpoq, aap-passaaneerininnermili partiit oqaaseqaataasa saqqummiunnissaannut minutsit sisamaannaat periarfissaallutik. Piffissalli oqaaseqarfiusinnaasup sivitsornissaanut pisariaqartitsineq aap-passaaneerininnermi pisariaqarnerpaavoq, tamatumanimi Nunatta Karsiata Naatsorsuutai Kukkunersiuinermut Ataatsimiititaliap isumaliutissiissutaa tunngavigalugu oqallisigineqar-tarmata.

Taamatuttaaq Nunatta Karsiata Naatsorsuutaasa akuerineqarnissaat pillugu siunnersuutip oqa-luuserineqarnerani piffissat Naalakkersuisut oqaaseqarsinnaaffisa sivitsorneqarnissaannut kissaat oqaaseqarnissamut piffissaliussani taaneqartuni ilanngunneqarsimannngilaq.

Pissutsit taakku marluk tamarmik matumani siunnersuutikkut iluarsineqarput. Nunatta Karsiata Naatsorsuutaasa akuerineqarnissaannik siunnersuutip siullermearneqarnerani siunner-suutip saqqummiunneqarneranut minutsit 20-it partiillu oqaaseqaataannut minutsit 15-it atorneqarsinnaanissaat siunnersuutigineqarpoq. Siunnersuutip aappassaaneerneqarnerani akissuteqaammut minutsit 30-it partiillu oqaaseqaataannut minutsit 30-it atorneqarsinnaanissaat siunnersuutigineqarpoq.

Peqatigitillugu aalajangiiffisassatut siunnersuutit (allat) aappassaaneerneqarnerinut piffis-sani oqaaseqarfiusinnaasuni kukkunerugunartoq iluarsineqarpoq. Suleriaatsip kingullermik allanngortinneqarnera malillugu Naalakkersuisut akissuteqaateqarnissaminut minutsinik 20-nik tunineqarsimapput. Siusinnerusukkut Naalakkersuisut tamatumunnga minutsinik tallimanik periarfissaqarsimagaluarpot. Taamatulli Naalakkersuisut oqaaseqarsinnaanerisa ma-lunnartumik sivitsorneqarnerat Suleriaatsip allanngortinneqarneranut nassuaatini taaneqar-simannngilaq. Taamaattumik naatsorsuutigisariaqarpoq piffissamik oqaaseqarfiusinnaasumik sivitsuineq siunertaasimanngitsoq kukkunermilli tunngaveqartoq.

Taamatuttaaq maanna ammaanersiorluni oqallinneq eqqarsaatigalugu piffissami oqaaseqarfiusinnaasuni erseqqilluinnaaleroq Naalakkersuisut Siulittaasuat oqalugiaamminik saqqummi-usinissaminut killeqanngitsumik oqaaseqarsinnaasoq. Tamanna maannamut suleriaasiusima-sumut naapertuuppoq.

Kisalu piffissat oqaaseqarfiusinnaasut pillugit ilanngussaq ujarlerfigiuminarnerulersinniarlu-gu annertusineqarpoq:

Piffissat oqaaseqarfiusinnaasut pillugit ilanngussami aningaasanut inatsisissatut siunnersuutip, Nunatta Karsiata Naatsorsuutaasa, nassuaatit aamma aalajangiiffisassatut siunnersuutit aap-passaaneerneqarnerisa suliarineqarnerini piffissat oqaaseqarfiusinnaasut ilaannakortumik taa-neqartarsimapput. Assersuutigalugu aalajangiiffisassatut siunnersuutit aappassaaneerneqar-neranni piffissat oqaaseqarfiusinnaasut pillugit taarsiullugu ilisimatitsissutigineqarpoq taakku Inatsisartut inatsisissaannut siunnersuutip pingajussaaneerneqarnerani piffisanut oqaaseqarfiusinnaasunut naapertuuttut. Siunnersuutikkut piffissat oqaaseqarfiusinnaasut tamakkiisumik ilanngunneqarput. Oqaaseqartussat tulleriinnerat erseqqissarniarlugu taamatuttaaq inatsisissa-tut siunnersuutit aalajangiiffisassatullu siunnersuutit eqqarsaatigalugit immikkoortitsisoqar-poq siunnersuutinut Naalakkersuisunit saqqummiunneqartunut siunnersuutinullu Inatsisartu-nut ilaasortanit saqqummiunneqartunut.

2.2 Sulinngiffeqartarneq pillugu malittarisassani malitsigisatut iluarsiissut

UPA2015/148-p oqaluuserineqarnerani Inatsisartut akuersissutigaat Inatsisartut Suleriaasian-nut Ilanngussamik 2-mik nutaamik ilanngussisoqassasoq. Ilanngussaq 2-p nutaap quleqtaraa:

” Inatsisartunit sulinngiffeqarallartarneq najuutinngikkallartarnerlu kiisalu sinniisussamik aggersaasарне pillugit Inatsisartut malittarisassaat”. Malittarisassani nutaani pisariaqarfii-sigut malittarisassani allani aalajangersagaareersut, matumani minnerunngitsumik Inatsisartunut Naalakkersuisunullu il.il. ilaasortat aningaasarsiaqartitaanerat il. il. pillugit Inatsisartut inatsisaat (Aningaasarsiaqartitsineq pillugu inatsit), ilanngunneqartarput.

Aningaasarsiaqartitsineq pillugu inatsit taamatuttaaq 2015-imi upernaakkut ataatsimiinnermi allanngortinneqarpoq. Taamanikkut Inatsisartut Siulittaasoqarfiat inatsisip allanngortinneqarnissaanik siunnersuuteqarpoq (UPA2015/150).

Aningaasarsiaqartitsineq pillugu inatsisip allanngortinneqarnissaanik Siulittaasoqarfiup siunnersuutaata aappassaaneerneqarnissaannut allannguutissatut siunnersuut Inatsisinut Ataatsimiiitaliamit saqqummiunneqartoq Inatsisartunit akuerineqarpoq, taamaalillunilu, massak-kumut pissusiusimasutut, Inatsisartunut ilaasortat sulinngiffeqassappata piumasaqaatigine-qarsinnaajunnaarluni Inatsisartunut ilaasortap pineqartup sinniisussap ataatsimiigiaqquneqarnissaanut aningaasartuutit akilissagai.

Allannguutissatut siunnersuutip taassuma akuerineqarnerata malitsigisaanik Inatsisartunit sulinngiffeqartarneq peqanngikkallartarnerlu pillugit malittarisassani Inatsisartut Suleriaasianni Ilanngussatut 2-tut ilanngunneqarsimasuni § 4 iluarsineqartussaasimagaluarpoq, tassani § 4, imm. 2-mi suli allassimammat Inatsisartunit sulinngiffeqarnissamut piumasaqaatigineqar-sinnaaneq sinniisussaq ataatsimiigiaqquneqarneranut aningaasartuutit Inatsisartunut ilaasortap sulinngiffeqartup nammieq akilissagai. Taamaattumik § 4, imm. 2-p atorunnaarsinneqarnis-saa pisariaqarpoq, tamannalu siunnersuutikkut matumuuna pivoq.

2.3 Aeqquteqaat aallaavigalugu oqallinnerit – Inatsisartut oqaaseqaatissaannut siunner-suutit pillugit siusinnerusukkut malittarisassanut uteqqinneq

Siunnersuutip malitsigissavaa aeqquteqaat aallaavigalugu oqallinnerut atatillugu Inatsisartut oqaaseqaatissaannut siunnersuuteqartarneq pillugu Suleriaatsimi aalajangersakkat Sule-riaatsip kingullermik allanngortinneqarnera sioqqullugu atuuttunut utertinneqassasut. Taa-maalilluni § 36 malillugu aeqquteqaatit (apeqquteqaat aallaavigalugu oqallinnissamik siunnersuutit) Inatsisartut oqaaserissaannut siunnersummik ilanngussisoqartariaqarunnaarlunilu ilanngussisoqarsinnaajunnaarpoq. Taamaattorli oqallinnerup ingerlanerani Inatsisartut oqaaseqaatissaannut suli siunnersuuteqartoqarsinnaassaaq.

Aaqqissuussinerup nutaap nalaani misilitakkat tunngavigalugit malittarisassanut siusinnerusukkut atuuttunut utersaarnissamut siunnersuuteqartoqarpoq. § 36 naapertorlugu aeqqutit oqallisigineqarnerannik pinngitsoorani Inatsisartut oqaaseqaataannik ilanngussisarnissamik piumasaqaat malunnangaatsiartumik sivitsorsaataasimavoq. Pinngitsoorani Inatsisartut oqaaseqaatissaannik ilanngussisarnissamik piumasaqaat tamatumunnga taarsiullugu oqallinnerit pitsaanerulerannik kinguneqarsimannilaq. Ilanngullugu nassuerutigineqartariaqarpoq

Inatsisartut oqaaseqaateqarneratigut (pituttuinngitsumik) naalakkersuinikkut isummernissamut siunnersuuteqarsinnaalernikkut naatsorsuutigineqaraluartutut aalajangiiffigisassatut siunnersuuit amerlassusaat ikilisimanngimmata.

2.4 Inatsimmik sanilliussineq

Allannguutissatut siunneruutigineqartut tulliuttumi takussutissiarineqarput, taamaattorli piffissani oqaaseqarfiusinnaasuni allannguutit (siunnersummi § 1, nr. 3) ilanngunneqaratik:

Siunnersuut inatsisinut atuuttunut sanilliullugu	
Oqaasertai atuuttut	Siunnersuut
	<p style="text-align: center;">§ 1</p> <p>Inatsisartut Suleriasianni 12. november 2010-meersumi, 22. september 2011 aamma 29. maj 2012 aamma 28. maj 2015 allanngortinneqartumi, makku allanngortinneqassapput:</p>
<p>Inatsisartunut ilaasortap pisortat suliassaataat Inatsisartuni oqaluuseritinniaruniuk kiisalu Naalakkersuisunut ilaasortap tamanna pillugu nassuaateqarnissaa Naalakkersuisunulluunniit ilaasortat arlallit nassuaateqarnissaat piumasariguniuk, tamanna pisassaaq apeqquteqaatikkut Inatsisartut oqaaseqaatissaannut siunnersummiq ilaqtinnejqartumik. Apeqquteqaat erseqqissumik allaganngorlugu tunniunneqassaaq Inatsisartullu Siulittaasuannut, apeqquteqaat agguaanneqareerpat apeqquteqaammik Inatsisartunut nalunaaruteqartussamut, tunniunneqassalluni.</p>	<p>1. § 36, imm. 1, ima oqaasertaqassaaq: "Inatsisartunut ilaasortap pisortat susassari-saat pillugu Inatsisartuni oqaluuseritinniaruniuk kiisalu Naalakkersuisunut ilaasortap tamanna pillugu nassuaateqarnissaa, Naalakkersuisunulluunniit ilaasortat arlallit nassuaateqarnissaat, piumasariguniuk, tamanna allaganngorlugu, erseqqissumik oqaasertaler-lugu, Inatsisartut Siulittaasuannut apeqqute-qaatitut tunniunneqarluni pisassaaq, apeqquteqaallu Inatsisartut Siulittaasuaniit aggua-anneqarlunilu Inatsisartunut nalunaarutigineqas-saaq."</p>
<p><i>Imm. 4. Apeqquteqaat aallaavigalugu oqallinnermi</i> Inatsisartunut ilaasortat partiillu inatsisartut oqaaseqaatissaannut allannguut-tissanik siunnersuuteqarsinnaapput. Siunnersuut taamaattoq allakkatigut naatsumik tunngavilersuutitaler-lugu ataatsimiinnermik</p>	<p>2. § 36, imm. 4, ima oqaasertaqassaaq: "<i>Imm. 4. Apeqquteqaat aallaavigalugu oqallinnermi</i> Inatsisartunut ilaasortat partiillu Inatsisartut oqaaseqaatissaannut siunnersuut-teqarsinnaapput. Siunnersuut taamaattoq al-lakkatigut naatsumik tunngavilersuutitaler-lugu ataatsimiinnermik aqutsisumut</p>

<p>aqtsisumut nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuussalluni. Inatsisartut oqaaseqaatissaannut allannguutissatut siunnersummut allannguutissatut siunnersuuteqartoqarsinnaanngilaq. Apeqquteqaat pillugu oqallinnermi taamaalilluni inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaateqarnisaannut siunnersuut ataaseq akuersissutigineqarpat, inatsisartut oqaaseqaatissaattut siunnersuutaajunnartut ataatsimiinnermik aqtsisumut nalunaarutigineqartut, sulili taasissutigineqanngitsut, atorunnaassapput. Apeqquteqaammik oqallisiginninnerup nalaani allatut ilusilimmik aalajangiisoqarsinnaanngilaq, takukkilli §§ 50-imiit 52-mut.</p>	<p>nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuussalluni. Inatsisartut oqaaseqaatissaannut siunnersummut allannguutissatut siunnersuuteqartoqarsinnaanngilaq. Apeqquteqaat pillugu oqallinnermi inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaatisaannut siunnersuut ataaseq akuersissutigineqarpat, Inatsisartut oqaaseqaatissaattut siunnersuutit allat, ataatsimiinnermik aqtsisumut nalunaarutigineqarsimasut, sulili taasissutigineqanngitsut, atorunnaassapput. Apeqquteqaammik oqallisiginninnerup nalaani allatut ilusilimmik aalajangiisoqarsinnaanngilaq, takukkilli §§ 50-imiit 52-mut.”</p>
<p>§ 4. Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inatsisartunut ilaasortaq sulinngiffeqarallarnissamut akuerineqarsinnaavoq, tamanna namminersorluni ingerlatamini suliassamik nukingernartumik suliassanilluunniit allanik nukingernartunik aallussinissa pisariaqluinnartutut isigineqarpat.</p>	<p>4. Inatsisartut Suleriaasiannut Ilanngussaq 2-mi § 4, imm. 2 atuukkunnaarpoq.</p> <p>§ 4, imm. 3, tamatuma kingorna § 4, imm. 2-ulissaq.</p>
<p><i>Imm. 2.</i> Imm. 1, malillugu sulinngiffeqarallarnissamut akuersissuteqarnissamut sinniisussamik aggersaanermi aningaasartuutinik Inatsisartunut ilaasortap akiliuteqarnissaa piumasaqaa-tigineqarsinnaavoq.</p> <p><i>Imm. 3.</i> Imm. 1 malillugu akuerineqartumik sulinngiffeqarallarnermi ilaasortaq aningaasarsiaqaranilu aningaasartuutinut tapisiaqasanngilaq, soorlu aamma piffissami sulinngiffeqarfiusumi soraarnerussutisiaqalernissamut ilaasortaajunnaarneersiuteqalernissamullu piffissamik katersisoqarsinnaanngitsoq.</p>	<p style="text-align: right;">§ 2</p> <p>Allannguutit 1. juli 2016 atuutilissapput.</p>

3. Pisortanut aningaasatigut allaffissornikkullu kingunerisassai

Siunnersuut pisortanut aningaasatigut allaffissornikkulluunniit kinguneqassanngilaq.

4. Inuussutissarsiornermut aningaasatigut allaffissornikkukkullu kingunerisassai

Siunnersuut inuussutissarsiornermut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut peqqissutsimullu kingunerisassai

Siunnersuut avatangiisinut, pinngortitamut peqqissutsimulluunniit kinguneqassanngilaq.

6. Innuttaasunut kingunerisassai

Siunnersuut innutaasunut kinguneqassanngilaq.

7. Kingunerisassat pingaarutillit allat

Siunnersuut taasariaqartunik allanik kinguneqassanngilaq.

8. Tusarniaaneq

Siunnersuut ammasumik tusarniaatigineqarsimannngilaq, innuttaasunut inuussutissariortunuluuniit kinguneqartussaanngimmat.

Siunnersummi aalajangersakkanut ataasiakkaanut nassuaatit

§ 1-imut

Nr. 1-imut 2-mullu

Siunnersummi § 1, nr. 1 aamma 2 malitsigalugit apeqquteqaat aallaavigalugu oqallinnerut atatillugu Inatsisartut oqaaseqaataannik siunnersuuteqartarneq pillugu Suleriaatsimi aalajangersakkat Suleriaatsip kingullermik allanngortinneqarnerata siorna pissutsinut utertinneqarput. Taamaalillutik § 36 naapertorlugu apeqquteqaatit (apeqquteqaat aallaavigalugu oqallinnissamik siunnersuutit) Inatsisartut oqaaseqaatissaannik ilangussisoqartariaqarunnaarlunilu ilangussisoqarsinnaajunnaarpoq. Taamaattorli oqallinnerup ingerlanerani suli Inatsisartut oqaaseqaatissaannut siunnersuuteqartoqarsinnaassaaq. Suleriaatsip kingullermik allanngortinneqarnera sioqqullugu atuuttutut Inatsisartut oqaaseqaatissaannut siunnersummut allannguutissatut siunnersuuteqartoqarsinnaassanngilaq.

Nr. 3-mut

Aalajangersakkakut Nunatta Karsiata Naatsorsuutaasa oqaluuserineqarnerani piffissat oqaaseqarfiusinnaasuni Inatsisartunit UPA2015-imi aalajangerneqartuni kukkuneq iluarsineqarpoq. Taamaalilluni Nunatta Karsiata Naatsorsuutaasa akuerineqarnissaannik siunnersuutip saqqumiunneqarnissaanut siullermeerinninnermi minutsit 20-t atorneqarsinnaassapput, Aningaasa-

nut inatsisisstatut siunnersuutip saqqummiunneqarneranut siullermeerinninnermi piffissaliun-neqartoq assigalugu.

Siunnersuutip aappassaaneerneqarnerani, Kukkunersiuinermut Ataatsimiititaliap isumaliutis-siissuteqarfigisassaani, siunnersuutigineqarpoq akissuteqaatip saqqummiunneqarneranut mi-nutsit 30-t atorneqarsinnaassasut. Partit oqaaseqaatasa saqqummiunnissaannut taamatuttaaq minutsit 30-t atorneqarsinnaassasut siunnersuutigineqarpoq.

Peqatigitillugu aalajangiiffigisassatut siunnersuutit aappassaaneerneqarnerinut piffissat oqaaseqarfiusinnaasut kukkanqeqlorput. Suleriaatsip kingullermik allangortinneqarnerani Naalakkersuisut akissuteqaatinik saqqummiunnissaanut minutsinik 20-nik tunineqarput. Siu-sinnerusukkut Naalakkersuisut minutsit tallimat periarfissarisimavaat. Taamatulli Naalakker-suisut oqaaseqarsinnaanerannik annertuumik sivitsuineq Suleriaatsimut allannguutissatut siunnersummut nassuaatini taaneqarsimanngilaq. Taamaattumik naatsorsuutigineqartaria-qarpoq sivitsuineq siunertarineqarani kukkunermik tunngaveqartoq.

Taamatuttaaq maanna ammaanersiorluni oqallinneq eqqarsaatigalugu piffissami oqaaseqarfiusinnaasuni erseqqilluinnalerpoq Naalakkersuisut Siilittaasuat oqalugiaamminik saqqumiussinissaminut killeqanngitsumik oqaaseqarsinnaasoq. Tamanna maannamut suleriaasiusi-masumut naapertuuppoq.

Kiisalu piffissat oqaaseqarfiusinnaasut pillugit ilanngussaq ujarlerfiguminarnerulersinniar-lugu annertusineqarpoq:

Piffissat oqaaseqarfiusinnaasut pillugit ilanngussami aningaasanut inatsisisstatut siunnersuutip, Nunatta Karsiata Naatsorsuutaasa, nassuaatit aamma aalajangiiffigisassatut siunnersuutit aap-passaaneerneqarnerisa suliarineqarnerini piffissat oqaaseqarfiusinnaasut ilaannakortumik taa-neqartarsimapput. Assersuutigalugu aalajangiiffigisassatut siunnersuutit aappassaaneerneqar-neranni piffissat oqaaseqarfiusinnaasut pillugit taarsiullugu ilisimatitsissutigineqarpoq taakku inatsisartut inatsisissaannut siunnersuutip pingajussaaneerneqarnerani piffisanut oqaaseqarfiusinnaasunut naapertuuttut. Siunnersuutikkut piffissat oqaaseqarfiusinnaasut tamakkiisumik ilanngunneqarput. Oqaaseqartussat tulleriinnerat erseqqissarniarlugu taamatuttaaq inatsisis-tut siunnersuutit aalajangiiffigisassatullu siunnersuutit eqqarsaatigalugit immikkoortitsiso-qarpoq siunnersuutinut Naalakkersuisunit saqqummiunneqartunut siunnersuutinullu Inatsi-sartunut ilaasortanit saqqummiunneqartunut.

Nr. 4-mut

Aalajangersakkakut Inatsisartunut ilaasortap sulinngiffeqarnerani sinniisussamik ataatsimii-giaqqusinermut aningaasartuutit ilaasortamut namminermut akiligassanngortinneqarsinna-nerannik piumasaqaateqarsinnaaneq Inatsisartunut sulinngiffeqartarneq pillugu malittaris-asanni tunngavissaq atorunnaarsinneqarpoq.

Tamanna pissuteqarpoq UPA2015/150-ip aappasaaneerneqarnerani Inatsisartunut Naalak-kersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata (Aningaasarsiaqartitsineq pillugu inatsit) allanngortinneqarneranik Inatsisartut inatsisis-saannut siunnersummut allannguutissatut siunnersummik Inatsisartut akuersissuteqarneranik. Allannguutissatut siunnersuutikkut Inatsisartunit akuerineqartukkut, aalajangersagaq (§ 2, imm. 2, oqaaseqatigiit pingajuat) pisuni immikkut ittuni Siulittaasoqarfimmik periarfissiisoq sulinngiffeqarnissamik qinnuteqarnermut atatillugu piumasaqaatigisinnaallugu sinniisussamik ataatsimiigiaqqusinermut atatillugu aningaasartuutinik ilaasortap nammineq akiliinissaanik, peerneqarpoq.

§ 2-mut

Aalajangersakkut aalajangersarneqarpoq Inatsisartut suleriaasiata allannguutaa qaugu atuutilissasutut siunnersuutigineqarnersoq.